



Ane Hansen  
Inatsisartunut ilaasortaq  
Inatsisartut  
/MAANI

### § 37 naapertorlugu apeqqut nr 2015-038-imut akissut

Inatsisartut suleriaasianni § 37, imm. 1 naapertorlugu aalisarneq pillugu Naalakkersuisunut apeqquteqarsimavutit. Apeqqutit uannut akisassanngorlugit innersuunneqarsimapput.

#### Apeqqutit:

1. Raajartassat ukioq manna malunnaateqarluartumik apparneqarnerani sinerissami suliffissuit rajaleriffiusut iliuuseqartoqanngippat suliassaaleqilersussat Naalakkersuisut tungaannit qanoq iliuuseqarfiginarneqarpat?
2. Aasianni Inuitissarsionermit siunnersuisoqatigiit Aalisarnermut Piniarnermut Nunalerinermullu Naalakkersuisumut aggersaanera sooq ilassineqanngila?

#### Akissut:

1-imut) Raajartassat appartinneqarnerisigut suliffissuit raajanik tunisassiassanik pilersorneqarnerisa eqqorneqarsinnaanerit Naalakkersuisut arajutsimanngilaat. Tassunga tunngatillugu Aalisarnermut, Piniarnermut Nunalerinermullu Naalakkersuisoqarfiup inuussutissarsiuteqartut qanimut suleqatigalugit ulluni makkunani sulissutigaa nunat allamiut raajartassaasa EU-mit amerlineqarnissaat, soorlu Canadamiut raajartassaat Kalaallit Nunaanni tulaanneqarlutillu tunisassiarineqarsinnaanissaat. Raajat tamakku kalaallit raajaasut taallugit EU-mut nioqqutigineqarsinnaanngussapput. OLT-inut aqqissuussinerit aqqutigalugit taamaasiornissaq periarfissaavoq, periarfissarlu taanna pilersinneqarsimavoq nunani EU-mi ilaasortat nunasiaatigisimasaani suliffissaqartitsinissaq qulakkeerniarlugu, pisassallu amerlinerisigut sinerissami suliffissuit tunisassianik pilersorneqarnissaanut qulakkeerinneqataasinnaavoq.

Ukioq manna sinerissap qanittuanut saarullittassiissutigineqartut 25.000 tons-iupput, 2014-imit 7.500 tons-inik amerlanerullutik. Saarullittassiissutit amerlineqarneri suliffissaqartitsiniarnermik tunngaveqarpoq, aalisakkammi aalisarneqartut nunami suliffissuarnut tulaassorneqartussaapput taamaasillunilu nunami suliffissaqartitsiniarnermut iluaqutaalerlutik. Taakku saniatigut Naalakkersuisut eqqarsaatersuutigaat imartani ullumikkut raajarniarfiuneq ajortuni misileraalluni raajarniartitsinnaanissaq.

2-mut) Miserratinagu oqaatigissavara ataatsimiinnissanut assigisaanullu peqataanisannut qaaqquusissuterpasuarnik tigusaqartarama. Uanga suliassama allattoqarfimmalu suliassaasa pingaartumik angalasarnissat eqqarsaatigalugit qanoq agguataarneqarsinnaaneri aammalu uanga pingaartillugit suliassama suuneri akisussaaffimmik tigusigamali eqqarsaatersorfigisimavakka. Politikkerit allat amerlasuut assigalugit nunagisama eqqaata pingaartinnerunissaa uanga kissaatigisimanngilara. Tamanna uppernarsarinnavara Upernavimmut, Uummannamut Qeqertarsuarmullu angalagama nammineq nunaqarfigisama tikinginneratigut. Tamanna naalakkersuinikkut siuttuuffimma

26-02-2015  
Sags nr. 2015-111667  
Dok. nr. 1878447

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

naalackersuisooqatigiinnissamik isumaqatigiisummi anguniagassatut isumaqatigiis-  
sutigineqarsimasut naammassineqarnissaanik kissaateqarninnik tunngaveqarpoq.  
Aasianni Inuussutissarsiornermut Siunnersuisoqatigiit eqqarsaatigalugit akissuteqarfige-  
reerpakka ilisimatillugit pineqartumut peqataasinnaanngitsunga, ilisimatillugilli piffissami  
allami Aasiannut tikikkuma ataatsimeeqatiginissaanut aggersarumaarlugit.

Inussiarnersumik inuulluaqqusillunga

Karl-Kristian Kruse